

成安縣志

卷

六五四三

成安縣志卷三

氣候

堯以曆象日月星辰授人時舜以璿璣玉衡齊七政洪範庶徵以雨暘寒燠之時與恆定休咎氣候與地方人民所係豈淺鮮哉吾成位置在北極出地三十六度三十分十秒天氣宜適中也乃同一緯度無海而濕氣爲之調融冬不若魯省各屬之溫和而多嚴寒無山頭清氣爲之拂抑夏不如晉省各縣之涼爽而多酷暑且土多沙城不毛經連年荒旱及疊次兵燹之餘野樹雜木毀傷殆盡又無大段森林吸取地心養氣吞吐天空故雨量非常減少自民九以來間有經年不雨者無怪乎居民感

成安縣志

卷三

氣候

一

天津文竹齋印

時氣之變而疫戾殄禳流行不絕也志氣候

氣候之寒暖恆視地勢之高下及其濕度與風向海流之關係至雨量之多少猶多以距離海洋江河湖泊之遠近爲標準成安地勢平坦無山嶺之起伏無河流之灌輸故氣候大致融和而寒暑之變遷亦較微惟東距海面五百餘里西離太行百有餘里海洋性質不顯大陸性質畧著故春冬兩季空氣乾燥秋夏兩季空氣稍潤然春季每年苦旱往往至五月間始獲透雨迨至秋季間有陰雨連綿及冬雨雪猶稀總之成安在酷暑之時華氏寒暑表達一百四五度之間嚴寒之際在冰點下十五六度之間至於風向春多東風或北風驟起塵土蔽日恆終日

不止夏季風向無定秋多西北風冬日則時起北風安成歷來
氣候大都如此

成安縣志

卷三

氣候

二

天津文竹齋印

